



„Žemaitėjės kelelės“

Kas jau padarėta?

1. Aplonkita daugybė Plungės, Telšių, Rėitāva, Mažeikių institucijų, organizacijų ir įstaigų.
2. Gavuom Plūngės, Telšiū VVG ir Šiauliū pramuonės, prekybas ir amatū rūmu rekomendacijas.
3. Surīnkuom daugiau nei 1600 idiejė palaikončiu žmoniū parašū;
4. Suformouta darba grupė;
5. Sukūriem 5 video reportažus katrus viešinām YouTube ir Facebook platformuos;
6. Gavuom daugybė rekomendacijū ir gerū atislėipėmu iš visuomenės;
7. Aplonkiem 21 savivaldībė, iteikiem pėrminiūs prašīmus parėmtė ir prisijungtė pri pruojekta;
8. Sulaukiem žiniasklaidas susidomiejėma. Straipsnius apie mūsa pruojekta parašė:


“Vakarų ekspresas”



“XXL FM”



“Delfi.lt” ir „lyrtas.lt“



“Žemaitis” ir „Būkime vieningi“



9. Sukūriem programelės demo vėrsija;
10. Nuo spalė 28d. „Facebook“ poslapie pasiekiem 437 464 žmuonės;
11. Suorganizavuo Žemaitėšku Naujūju metu rėngini. Dalivāva vėrš 100 žmoniū;
12. Tapuom paramuos gaviejės, atsidariem banka saskaita.

Kuokė nauda iš pruojekta gaus kiekvėina savivaldībė:

1. Vėsas pruojekta priemusės savivaldībės turies daug detalesnius rajuona žemielapius su daug detalesnė ir tikslenė navigacinė programelė nei „Google Maps“
2. Atrasēm ir programelie sužīmiesēm tik vietinėms žinuomas vėitas. Vėsas Žemaitėjės savivaldybės turies daugiau lonkītėnu vėitu.
3. Programelie sužīmiesēm vėsas kavinės, restoranus, turizma sodybas ir kėtas turizma paslaugas tėikontės organizacijos. Tėp prisidiesēm pri turizma versla plietras Žemaitijuo.
4. Ekspedicijas metu korsēm informacinius, muzikėnius vaizda klipus, Žemaitėjė turies naujė, iduomė internetinė televizija.
5. Mūsa poslapis per puora mienesiu pralėnkė daugeli informaciniu Žemaitėjės turizma poslapiu, nuors puslapēm jau ne vėinė metā. Igivendinus pruojekta, planoujēm pasiektė 50 000 sekieju. „Žemaitijos Keliais“ puslapi viešinsēm savivaldībui rėnginius, iniciatīvas ir pruojektus. Mūsa poslapis būs visū turizma ir informacijos cėntrū partneris.
6. Pabaigus kortė programėlė, važiniesēm po Žemaitėjės mokyklas su edukacinė programa apie mūsa gamta, istuorija bei papruočius. Tėp ugdīsēm patriotizma jausma vakāms.
7. Vėkdīdamė pruojekta, korsēm ir anglėškus video reportažus, didinsēm Žemaitėjės žinomoma vėsam pasaulie. Pritrauksēm dar daugiau turistu, kurėj pritrauks dar daugiau pajamū i regijuonus.
8. Didinsēm kaima bendruomeniu užimtoma, kvėisdamė vietinius kartu pasivažinietė džipu, apruodītė aplīnkinnės vėituovės, papasakuotė kou ipatīngs anū krašts.
9. Sudarīsēm sutartis su Policija. Važiniedamė po mėškus, gaudisēm šiukšlintuojus, brakonierius ir kėtus neduorielius.

Pruojekta vīstīms

Žmoniū susidomiejėma ir palaikyma jau turēm. Vėsė žemaitė jau lauk kol prasidies pats programėlės kurėms. Galietumēm nauduoatė „Crowdfunding“ muodeli, ka visuomenė aukuo pinīgus idiejė, bet nesinuor iš karta prašītė žmoniū finansinės paramuos, tas gal sugadīntė projekta reputācija („dar nieka nepadarė, o jau prāša pinigū“).



Galietumēm kreiptėis i Žemaitėjės vėrsla su prašīmu parėmtė, bet kol mūsa poslapis netor bėnt 20 000 sekieju, verslinīnkā nematys prasmies skėrt didesnės sumas pinigū. Tarkēm dabar už logotipa patalpėnėma unt mašinas galēm gaut 500 Eur, pruojektou isibėgiejus galiesēm gautė 5000 Eur ir daugiau. Tudiėl pirmiausė krėipamies i savivaldībės su prašīmu skėrtė liešas pėrminiou pruojekta etapou.

Iki šiol patirtas išlaidas

- a) Kurs 4500 km – $530 \text{ l} \times 1,09 = 577,7 \text{ Eur}$
- b) Projekta prezentacinių bei parašų rinkėma lapu spausdinėms 432 vnt. $\times 0,29 = 125,84 \text{ Eur}$
- c) Maists ir gėrėma savanuorėms ~ 150 Eur
- d) 3 mienėsė savanuorėška Egidijaus Kerpauska ir kėtū komandas nariū darba.

Bėndras išlaidas: 853,54 Eur. (Kas padaryta už tus pinīgus žiurietė 1 psl.)

Iki šiol dėrbuom tik su liešū pritraukėmu. Gavėn finansāvėma, pradiesėm dėrbtė su pruojekta plietra ir vīstimu.

Paršīms skėrtė liešas

Gīmtuojė Plūngės miesta prašuom skėrtė ~0,015 % 2019 metu biudžeta – 6000 Eur.

Mažeikiu prašuom skėrtė ~0,01 % 2019 metu biudžeta - 6200 Eur.

Žemaitėjės suostėnės Telšiū prašuom skėrtė ~0,015 % 2019 metu biudžeta - 6700 Eur.

Reitava, kor istėigta VŠĮ skėrtė ~ 0,02 % 2019 metu biudžeta – 2100 Eur.

Vėsū lėkusiu Žemaitėjės savivaldībiu prašuom skėrtė po 0,01 % 2019 metu biudžeta.

Gavuum finansāvėma pėrminiou etapou. Kas toliau?

- 1. Sumuokām programoutojėms už programėlės kūrėma 8000 Eur (Plūngės, Reitāva, Telšiū, Mažeikiu rajuonus jau vėik programėlė).
- 2. Nuperkām džipa ekspedicijė ir paruošām marketingou ~10 000 Eur (Samata 5 psl.)



- 3. Nuperkām filmāvėma ir video kūrėma įronga ~5000 Eur :

- a) Druons
- b) Mobilus tel. Su gera kāmėra ir stuovu
- c) Išuerinė mikrofuonā
- d) Kompiuteris su video kūrėma programa

- 4. Pėlām kura ir važiuojėm 5000 Eur.

Bėndra soma: **28 000 Eur.**

Vėsa „Žemaitėjės kelelės“ komanda dėrb savanuorėškā ir juokė atlīgė neprāša, parama reikalīnga tik projekta vīstīmu. Kadangi pruojekts skėrts visuomenė, kikvėina mienesi „Žematijos kelias“ puslapie viešinsėm VŠĮ banka išraša, tēp kikvėins Lėtuvuos pilietis galies stebietė mūsa pājamas bei išlaidas.

Ka džips būtu tīkams ekspedīcijē ir marketingou:



1. Patikēms džips - Toyota Land Cruiser arba Nissan Patrol ~6000 Eur
2. Priekinis bamperis su libiuotkē;
3. Gomas po spiruokliem;
4. Pagalvės po riemu;
5. Praplatintuojē;
6. Arku praplatintuojē;
7. LED jousa unt stuoga;
8. R15 ratlonkē su išnešēmu;
9. Konkretēs padongas;
10. Spiruoklēs, amortizatorē;
11. Slēnkstē;
12. Šniorkelis.